

## Lès- « AMIS RÉUNIS »

Dins branmint d'vilâdjies  
Ès nom soune clér, come sounoût  
L'cloke dèl fosse qui dins l'tamps fèsoût  
Rmonter l'gayole dès kèrbènî-ns  
«... **Lès coumarâdes inchène...** ».

Èle a skèpi come in-èfant bî-n vnu,  
Asto dèl nwâre tère de leûs tèris.  
Èle a grandi ô trèvî dès-anéyes, èle a stindu  
Sès bras ô Drapau Blanc, sans jamés rniyî  
Lès cî-ns qui nos-ont fèt, lès cî-ns què nos-astons.

C'est pourtant vré qu'èle a :  
«... **Cint vingt'-chonk ans...** ».

Si lès prèmî-ns djîles poûrine-tè  
Rvéni in-avé su tère, is srine-tè  
Fièrs de vîr què leû n'èfant porte  
Èl pompon pa tous costés...  
Audjordû pus djolîye, dansant ô trèvî dès corons,  
Ancyins èyèt nouvias, dins no keûr, tèrtous tchantant :  
« ... **MITANT-DES-CAMPS...** ».

L'binde, fondéye in mi wit'cint sèptante-wit'  
Ô cabarèt Ririte dèl Manike,  
Lès prèmî-ns djîles ont stè Victor DESSIMEON,  
MAINIL ( èl grand Djan ), Louis TAPOTEAU,  
Frèd ( èl corbau ), Jules STAQUET èyèt LARSIMON.

À lès soumonces dins l'tamps,  
Su leû tièsse ène nwâre caskète de swa.  
Audjordû caskète à cârôs èt roûdje pompon,  
Abiyî d'in bleû sôrot, colé d'sounètes, chabots à nos pîds,  
Ramon in l'ér, roûlmints d'batrîye, musike, rî-n n'a candjî,  
On crîye toudi « ... **MITANT-DES-CAMPS...** ».

L' djoû du Létâré,  
Bî-n seûr què nos n'astons nî-n lès pus bias,  
Mès rwétèz tout no capias...  
Bî-n seûr què nos n'astons nî-n lès pus nombreûs,  
Mès rwétèz tous no danseûs...  
Bî-n seûr què nos-avons ène bone batrîye,  
Ascoutèz lès avant din.ner, no bateûs rambuskî su leû kèsse ..  
Bî-n seûr què nos-avons ène bone musike,  
Ascoutèz l' s-ès djwér pou nos fé danser...  
Mès quand no batrîye èyèt no musike djûse-tè  
L'ér «... **MITANT-DES-CAMPS...** »  
Rwétèz tèrtous' no danseûs, tournér leûs capias,  
Éyèt adon, vos-dîrèz :  
« ... **Bî-n seûr què c'èst co toudi yeûsses lès pus bias ...** ».

L' s-avèz ddjà vu dansér  
L' mardi, abiyîs in mam' zèles.  
C'èst-ène tradiciyon  
Dèspûs cinkante anéyes.  
Bon vikants come dins l' tamps,  
I d-a co in route èl mècrèdi au din.ner...

L' s-avèz ddjà vu par nût' ô Drapau Blanc,  
Dansant padzous lès pièrkes dè lumières  
Dsu l'ér « ...**MITANT-DES-CAMPS...** »,  
Come vos stèz bèles djolîyes mam' zèles.  
Waye Prèsidant, rî-n n' a candjî à « ... Lès-« **AMIS RÉUNIS** »  
Seûr èt cèrtin : « ... **Vo djîles sont toudi lès pus bias ...** »

Pou tous lès djîles èt leû feume  
Du passè qui ont boutè pou lêye.  
Pou tous lès-ôtes qui, tout mèt' nant  
Continûye-tè èl tradiciyon.  
Pou tous lès cî-ns qui dè mangn' poûrine-tè bî-n vni :  
Audjordû, « ... Lès coumarâdes inchène... »  
Bistokons pou lès rmèrcyî tèrtous  
Dsu l'ér « ... **MITANT-DES-CAMPS...** ».

Raymond HONORE  
Fét à Sint-PAUL ( Vile d' Oussu )  
Mwac dè fèviè in l' an deûs mil twâs